

Совхозин кӧдлмшт темдгтӧ ясрлт болв

Яшкульск района „Лиман-ный“ совхозин эклц парторганизацн тооцана хург болв.

КПСС-н XX-ч хургин тууджлгч шийдврмудиг, тууна хӧбн мана партин болн правительствин гаргъсн токтаврмудиг сӧанӧр кудӧхин толӧ, тооца бгчӧх цагин эргид ямаран кӧдлмшт совхозин партир-ганизаци болн куч-кӧлсчнр кедж кудӧсинь, партбюрон сеглӧтр ӱр П. В. Хомутников эврӧннь тооцана докладтан хуртг келдж ӧгв.

Мал ӧсглгӧнӧ болн малин эдл-уш гаргългь ӧдлӧлгӧнӧ 1957 джилин зурагъан „Лиман-ный“ совхоз, Яшкульск райо-на наадк совхозмудас сӧанӧр кудӧдж йовна. Ноябрьн негшин ӧдр эн совхоз, бод мал ӧсглгӧнӧ зураг 113 процент кудӧдж, хӧн малин зураг 100 процент.

Зӧрм сӧн кӧдлмштӧ хӧбчнр-коммунистр Очра Бада, Полоусов Николай хойр зун хӧбнӧс 120-д хургь йилгьдж авцхав. Теднӧс холд ӱдл уга, зун хӧбнӧс 110 гар хургь ӧс-кӧд Очра Эрдни, Балдра Гӧрӧ, нань чигн олн хӧбчнр сӧн кӧдлмшин ӱзмдж ӱзӱлдж кӧдлджӧцхӧнӧ.

Совхоз государствд мах ору-лдж ӧгх зурагъан 103 про-цент кудӧгъад, кесг олн хӧбч-нр ноосна даалгъван даву-лдж кудӧгъад, мӧрӧлгдцхӧв. Эклц партир-ганизацин цуг 25 коммунистр болн 10 членӧ кандидатнр сӧанӧр партин даалгъвр кудӧцхӧнӧ. Эн джил партин организацд 11 кун членӧ кандидатд орулдж ав-гдв. Совхозин куч-кӧлсчнр дунд цӧалгъврн кӧдлмш сӱл

цагт сӧанӧр кегдӧд, уг-турш-тан 33 лекц умшгдв. Проф-союзн, комсомольск органи-зацин кӧдлмшнь бас му биш сӧанӧр кегддж бӧанӧ. Тооцана докладар 11 кун ӱг келцхӧв. Турун болдж, сов-хозин школин багш Нина Васильевна Метла: ӧмннь сов-хозин ферм болгъар партин багмуд уга билӧ, ода тедн ферм болгънд бурдӧгдв, цӧал-гъврн кӧдлмшт багшнр орлц-на, сургъулин багш болгън партин даалгъвр кудӧджӧнӧ гидж темдгдж келв.

Дӧрвдгч фермин гардач ӱр Дорджин Церн, эврӧннь фер-мин кӧдлмшин тускар келӧд, эн джилд фермд зӧвар ик сӧн чинртӧ кӧдлмш кедж кудӧгдв: нег кев-кецтӧ, ӧмтн бӧадг 9 гер бӧргдӧд, Алдр Октябрин 40-ч джилин ӧбнд тер гермудт цугтадн ӧмтн орв. Талдан улсин гарин кӧлс орулл уга, бидн ферминнь аргъ-чидлӧр эврӧннь ферм деерӧн клуб болн электростанцин гермуд бӧрӱвдн. Ода мана фермин кӧдлӧчнр малдан сӧн ӱвлзнь бӧрджӧцхӧнӧ, — гидж келв.

Чилгрин поселковый Сове-тин ахлач Марфа Владимиров-на Арылдаева, совхозин по-селковый Советин кӧдлмшин тускар келв. Яшкульск райко-мин хойрдгч сеглӧтр ӱр Кич-гӧ Тумдин келсн ӱгиг, хуртг бӧасн улс сӧанӧртаасдж сонъ-св. Совхозин мал ӧсглгӧнд усна керг ясрулх, турун нӱурт йовх дамштта хӧбчнрин болн малчнрин кӧдлмшин дасхмжиг малин улст тарх-лбгӧна тускартер келв.

Тавдгч номертӧ фермин коммунистр ӱурмуд Несте-

ренко, Зайцева хойр, совхозин гардачнрин кӧдлмшин дуту-дундиг-темдгддж келцхӧв.

— Мана фермин хӧбчнр болн малчнр ӱвлин дулан хувц авх йосн бӧасн бийнь, тер хувциг джил болгън авцхаш. Талдан совхозас „Лиман-ный“ совхозур зуна мана ферм ор-снас нааран, чинӧн тату, гемтӧ малд ӧгх малин хот тӧрӱн ӧгчӧхш. Мана фермин зӧрм хӧбнӧ хошмудт зӱудг цармуд уга гихлӧ нам кун итгшго. Терг, цан, нань чигн кергтӧ тоотиг ясхар седхлӧ, тедниг ясх нег модна тасрха ферм деер уга, нам гирлг кедг мод-на бийнь бас уга. Мана фер-мин кӧдлӧчнрин диг-дарань салнь болдгнь учрта, юнъгад гихлӧ Улан эрг селӧн деер хойр совхозин кӧдлмшчнр бӧа-нӧ. Ода фермин ӧмтн шамин тосн уга бӧӧцхӧнӧ. Ферм деер 50 шаху улс профсоюзн тоод авгдад уга. Эн му бӧӧдлгиг уга кегъад, фермин кӧдлмшиг ясх керг мана партин болн комсомольск организацин эр-кн тӧр, — гидж тедн келцхӧв.

Босдж ӱг келсн коммунист-нр-ӱурмуд Метла, Очра Бада, Меньков, Кичгӧ Александра: совхозин тосхлгӧна отделенин, рабкоопин, профсоюзн болн комсомольск организацин кӧдлмшт сӧн гардвр болн дӧнъ-гӧн ӧгч теднӧ кӧдлмшиг улм цаарандн ясрулх селвг ӧгц-хӧв.

Тооцана докладар партин хург совхозин болн эклц парт-организацн олн-зӱсн кӧдлм-шиг ясрулх шийдвр батлдж авб. Партин хург партин бюро сунъгъв.

Н. ЛИДЖИЕВ.